

Nakon provedene procedure direktnog sporazuma, na način i po postupku predviđenom odredbama Zakona o javnim nabavkama BiH, zaključuje se

## **U G O V O R O KUPOVINI PROMOTIVNOG MATERIJALA**

između:

**1. JAVNE USTANOVE "APOTEKE SARAJEVO"**, Sarajevo, Kranjčevićeva 29 , koju zastupa generalni direktor Nedim Hrelja, mr.ph. MBA (u daljem tekstu Kupac)

i

**2. SAMAS D.O.O. Sarajevo**, ID: 4200111220003, Hadžidamjanova 1, koje zastupa Adel Nikšić, direktor, (u daljem tekstu Prodavac)

### **I PREDMET I CIJENA**

#### **Član 1.**

Predmet ovog ugovora je kupovina reklamnog materijala, što podrazumijeva i uključuje urednu i kontinuiranu izradu, štampanje, montažu i demontažu reklamnog materijala (reklamne folije, headeri na policama, stalaka, banera/cerada, označivača na policama, izradu brendiranih polica, reklamnih flajera/letaka, plakata, vizit kartica, te ostalog reklamnog materijala), u skladu sa potrebama Kupca i ponudom Prodavca broj:06-241A/20 od 08.06.2020. godine.

Jedinične cijene roba koje su predmet ugovora utvrđene su ponudom Prodavca broj: 06-241A/20 od 08.06.2020. godine, koja je sastavni dio ovog ugovora.

U toku trajanja ugovora cijene se ne mogu mijenjati.

Ukupna vrijednost ugovora iznosi do 6.000,00 KM, bez PDV-a.

### **II ROK I NAČIN ISPORUKE**

#### **Član 2.**

Prodavac se obavezuje da će kupcu isporučiti robe iz člana 1. ovog ugovora, u roku od 3 (tri) dana od dana narudžbe.

Prodavac će kupca blagovremeno obavijestiti o prispjeću isporuke.

Prodavac je obavezan da kupcu nadoknadi štetu zbog neblagovremene isporuke roba, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje

prodavac nije mogao da utiče, kao i nastalu štetu zbog neisporučene količine robe koja je poručena.

### **III KVALITET ROBE**

#### **Član 3.**

Prodavac garantuje da će kupcu isporučiti cjelokupnu naručenu količinu robe odgovarajućeg kvaliteta, u skladu sa međunarodnim standardima, u protivnom, prodavac je obavezan da kupcu naknadi pretpjelu štetu.

### **IV KVALITATIVNI I KVANTITATIVNI PRIJEM**

#### **Član 4.**

Kupac će vršiti kontrolu kvaliteta kod preuzimanja robe. Reklamacija na isporučeni kvalitet robe se mora pokrenuti najkasnije do 7 dana od momenta prijema robe.

#### **Član 5.**

Ugovorne strane su saglasne da kupac ima pravo na angažovanje kontrolne kuće radi utvrđivanja kvaliteta prilikom prijema robe, koja će biti naknadno određena od strane kupca. Isporuku robe prati određeni dokument (otpremnic), koji mora biti propisno ispunjen i ovjeren od strane prodavca i kupca.

Dokument iz stava jedan ovog člana čini sastavni dio fakture.

#### **Član 6.**

Kvalitet isporučene robe kupac utvrđuje prilikom prijema, uz prisustvo predstavnika prodavca, na uobičajeni način.

#### **Član 7.**

Ako prilikom prijema robe, kupac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na slijedeći način:

- Kupac je obavezan da eventualni reklamacioni postupak na količinu isporučene robe pokrene najkasnije tri (3) dana od prispjeća iste na skladište kupca;
- Prodavac se obavezuje da uzme u postupak sve eventualne reklamacije prijavljene od strane kupca po svakoj pojedinačnoj isporuci.

### **V NAČIN I ROK PLAĆANJA**

#### **Član 8.**

Za isporučenu robu iz člana 1. ovog ugovora prodavac odobrava kupcu odloženo plaćanje na trideset (30) dana od dana zaprimanja fakture i pod uslovom da nije bilo reklamacije od strane kupca.

Uplata se vrši na transakcijski račun prodavca naznačen na fakturi.

## **VI SAOPŠTENJE I REKLAMACIJE**

### **Član 9.**

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od 3 (tri) dana, računajući od dana učinjene povrede odredbi ovog ugovora, uloži prigovor drugoj strani.

### **Član 10.**

Pravo prigovora, odnosno reklamacije, naročito se odnosi na slučajeve:

- isporuke naručene robe neodgovarajućeg kvaliteta,
- neblagovremene isporuke robe,
- isporuke naručene robe u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

## **VII TRAJANJE UGOVORA**

### **Član 11.**

Ovaj ugovor se zaključuje na period od 15.06.2020. do 31.12.2020. godine.

## **IX PRELAZNE I ZAVRŠNE ODREDBE**

### **Član 12.**

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

### **Član 13.**

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan sud u Sarajevu.

### **Član 14.**

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 (trideset) dana.

## Član 15.

Ovaj ugovor je sačinjen u četiri istovjetna primjerka od kojih po dva primjerka zadržava svaka ugovorna strana.

JU „Apoteke Sarajevo“  
Nedim Hrelja, mr. ph. MBA  
Generalni direktor

SAMAS D.O.O.  
Adel Nikšić  
Direktor